

# 受鞭打 kap 毀滅

唐秉輝

伊受氣，拆裂--我，壓迫--我，伊對我咬齒；我 ê 對敵目睷金金 gîn--我。

(約伯記 16:9)

爲啥物我 ê 臟腑受鞭打--a ?

爲啥物我 ê 靈魂散了了 ?

已經裂胸散甲--a ?

我應該歡呼上帝 ê 話語

感謝上帝

M̄-koh

我 hō 我家已 ê 心

來掃倒--a

Hō 我糟心 ê 生活中 ê

lah-sap 來掃倒--a

是，tiàm我心中受鞭打kap受sut ê事

必然是因為我有所貪--a

我本底想：我一直無做歹代誌

M̄-koh，有一日，我翻頭來

做過去時陣ê事--a

Tui舊時我做ê lah-sap代

目前我應該做啥物？我應該來決定

Chit-má，我應該按怎樣來辦事？

這只是我ê性命中的一个簡短ê旁行道kap雙岔路？

Iah是，這會成做我一條死路？

上帝幫助我來做選擇，我哀告

因為我應該 tiàm 每一瞬間 chiâⁿ 滿意

我應該 食好食 bái 無計較

我應該 怨天怨地 mā bē-hiáu

協助我對上帝你 koh-khah 信心濟滿

Hō上帝你看上(chiūⁿ)目

我 tī chia 感謝

爲啥物我 ê 心是受鞭打？

爲啥物我 ê 靈魂離散--a？

雖然我 m̄ 是猶太人，bat 對上帝反動

M̄-koh，tiàm 這個世界基地成立進前

上帝 iáu 是快樂來揀我--a

只有我 tiàm chia 歡呼上帝

我明其知 chia 是有算--a

若講我 ê 受鞭打、受 sut kap 毀滅

Chiá<sup>n</sup> 歹勢

這是害上帝 hō 人傷害所致--ê

請憐憫這個世界

若無，就是這款痞貪 ê 人吞食世上 ê 財物

歸尾，hō 墳(phùn)墓 kā 這款人搶--走-a \*

因為咱知影

咱舊 ê 自我

已經 kap 基督做伙受釘 tiàm 十字架

是為毀滅受罪惡拘束 ê 自我

咱 chiah m̄免做罪惡 ê 奴隸\*\*

提醒家己，m̄-thang bē記得主恩

因為伊受著刑罰

咱chiah得著平安

因為伊受c鞭傷

咱chiah得著醫治


假使咱若順從肉體

kap 慾望來生活

一定會死 但是

若倚靠上主聖靈

將身軀行爲除滅，就會活



註：

\* 莎士比亞〈莎的十四行詩〉第1首

\*\* 羅馬書 6：6、8：13